


www.BibleForChildren.org

Mateo 26



Jiisat Pascua
tsawaartin seis
tsawan ai, Jesús
nina unuinatairi
ainajai yaakat Betanianam
Lázaro jakau inankimua
nuna pujutairin wuwaiti.
Tumainai María kugkuin
nardo tutain chikichjaisha
pachimtsuk aya nuke najanamun,
shir akikan juki jeaari, Jesús
nawen ukatak, nina wichijaig ujujtu
ruiti. Nu tura ukatkamu nuna
kugkunti jeanka akirawaiti.



Nuna tusa tinu ai, Jesúsa unuinatairi doce ainanmaya Judas Iscariote naartin, chikichik jiinki sacerdote apuri ainajai chichaman umik, Jesúsan suruktasa wuwaiti. Tuma sacerdote matsatun jeari, tu achimain aitrume tusa shir etserkai, shir anenak kuitan akiktajme tusar tiaruiti. Tuinakai Judascha, uruk anagkanak surukaj tusa, enentaimtu weká.




Jesúsa unuinatairi aina ni
timaunka imatiksag umikaru
ainawai. Nuna tina inaiyak eke
yuinak eketainai, Jesús pankan juki,
Yuusan maaketi tina puur, ni
unuinatairi ainan tinamak chichaak:
"Ju yuatarma. Juka wina iyashrua
numamtinaiti", tusa tinaiti.




Nuna tina nuiyasha umutain
shikikam eketun juki, nunasha
turusag Yuusan aujas maaketi tina
nitan chicharuk: "Jusha ashi
umartarma. Juka wina numparua
numamtinaiti, juka Yuus yamaram
chichaman ashi atum ainatirmin
anajmatramawa nuwaiti. Wina
numparjai nukap
shuar ainan
tunaurin
tsagkuurattajai."



Jesús nunasha Pedron ujak: "iSimónka, anearta!
Satanás amina nekapramsattsa Yuusan aujsayi.
Turasha wisha wina inaitutsuk nekaspapita tamaunka
inaitutsuk ataksha waketki wina nemartak, wina
nemartin ainan enentai ichichturti tusan aujsamjai",
tusa tinaiti.



Takai Simón Pedro chichaak: "Apuru, amina mantamawartasa achirmak, cárcelnum egketmainakaisha wisha amijai egkemattsan wakerajai, tura amina mantamainakaisha, wisha amijai jakattsan wakerajai", tusa tinaiti. Tusa takai Jesús chicharuk: "Pedro, ju káshia jui atash shinatsaig, wika au shuarnaka wainchauwajai tusam, tresa imajnia waitruattame tajame", tusa tinaiti.



Nuna tusar Jesúsjai wear númi arakmau Getsemani tutainam jeawaruiti, nui Jesús nina jintintairi ainan chicharuk: "Jui atumka ekeema jatarma, tumarmin ai wena aparun aujsatjai", tusa tinaiti. Wina Aparu, ameka ashi turumainaitme. Wait aneam wii waitmainaitaj nuka inaisata. Turasha wii wakeramuka ahati, antsu ame wakeramua nu atii", tusa tinaiti.



Tumau asa sacerdote apuri ainan, tura fariseo apuri
ainajaimak aujuk: Suntarum tsagkatrukta atutkarti
tusa seawaiti. Tusa takai suntaran untsurin
nagkin tinamak, tura Yuus ememattasa
iruuntai jean kuitamin ainancha
aitkasag lámparan tinamkar
tura shiripkincha tinamak
ishiakaruiti.




Turamu asar nuna ekeemamarar Jesúsan jeariaruiti.
Nuna tusa tuinai, shuar nui wajau kuchiiirin juakug
sacerdoten apuri inatairin untsur kuishin
awati asankauwaiti. Turamtai Jesús
chichaak: "Aitkatsuk inaisatarma",
tusa tinaiti. Tusa, kuishi
asankamun juki ataksha
anujtuk pegker
amajsauwaiti.



Jesúsan achikar jukiar sacerdote apuri jeen
umainakai, Pedrosha ukunam patatus ikag wea.
Jesúsan sacerdote apuri jeen awayaawarmatai
Pedrosha jea aarin
suntar aina jina
ikaparar anamainak
matsatmaunam, nitajai
iruunar jina anamuk
ekeemsauwaiti.



Tusa titatmaun
sacerdote shir apuri
inatairi, kuishin
Pedro asankauwa nuna
patai iniak: "¿Wii amina,
númi arakmaunam nijai
wajamin wainkachmakjam?"
tusa tinaiti. Nu tamasha
Pedro ataksha waitrak: "Atsaa,
wichauwaitjai" tai atash
shinukuiti. Tuma nuna anear
Pedro aa jiinki wake mesemar
nekapeak, senchi útnaiti.




Tuina asar judío apuri ainaka ashi
wajarrar apu Pilato pujamunam
Jesúsán jukiar umaruiti. Tuinakai
apu Pilato iniak: "¿Nekas
amekaitam judío ainan
apurim?" tusa tinaiti.
Takai Jesús ayak: "Ame
turutam nuka nekasaiti",
tusa tinaiti.




Tuinakaisha Pilatoka Jesúsnaka
akupkattsa wakera asa chichaak:
"Atsaa nekas Jesúsan akupkatjai",
tusa tinaiti. Nuna takai,
nu senchi chichainak:
"Atsaa, iachintrati!
iachintrati! amajaina".




Tusa imatainakai Pilatosha,
achirtarma tusa suntarnum suruk
inaisau, turamtai nita Jesúsán
jukiaruiti. Tura juam Jesús ni
achintratin númi yapajia achirmaun
juki yanaki jinkinaiti. Tuma nugka
ukunch nain tutai, hebreo
chichamjaigka Gólgota tutainam
wuwaiti.



Nui jeanmatai jimar kasan
achirar, Jesúsan ajapeen
achirar nenasaruiti.



Etsa tutupnira ai, ashi nugkanam etsa etsantsuk
káshi jasuiti. Tuma etsa teenta ai ataksha tsaaptin
jasuiti. Nu tuma ai, Yuus ememattasa iruuntai jeanam
jaanch nuparam ajaamu yakini
nagkamna jimapetuk
achinakuiti. Nu tuma ai
Jesús senchi chichaak:
"Apaachi, ame wina
wakantruka kuitamrutkata",
tusa tinaiti. Nuna tusa
nui Jesús jakauwaiti.



Nu tsawan kintamai kashinia nui
ayamtai tsawan atin asamtai,
takatan umikartasa ashi
takainai, shuar José
naartin Arimateanmaya
taawaiti, nisha
apu aina
iruunainamunam
iruunin,

Yuus inammauncha
wainkattsa wakerin
asa, arantsuk Pilaton
weri, Jesúsan iyashi
ikustajai tusa
seawaiti.



Tama Josésha Jesús jaka yaki
nemattamaun akaki, jaanch
puju pegker sumakmaujai
punuaruiti. Tura
pampanam wa
taimunam egkea,
tura kaya uuntan
juki shir apujtua
ikuknaiti.



Kashinia nui jiisat tsawaartin
asamtai, uminmaunam
sacerdote apuri aina
fariseo ainajai
Pilato jeen wearu.



Tumawar jeariar chichainak:
"Apu, Jesús wait aya nu
iwáku pujus chichaak,
wika jakancha treschik
tsawan asan
nantaktinaitjai, tu
wekain aya
nu aneakji."



Tusa timatai sacerdote apuri aina
fariseo ainajai wear, Jesús
ikusmaun urakaraig
tusar kaya apujtuamunka
sello tutain anujtukar,
suntar ainan atum
kuitamatarma tusar
matsatkiaruiti.



Ayamtai tsawan nagkamakmatai,
kintamar kashin tsawak María
Magdalena chikich Maríajai
Jesús ikusmaun iisartasa
wearu. Tura wenai
pachiachmau senchi
urkau. Nunaka
nayaimpinmaya
shuar Jesús.

ikusmaunam akak
imatmawaiti. Nu
akaiki kaya apujtua
ikukmaun nuna urai
ekek, nui kayanam
ekeemsawaiti.



Tura imanun wainkar, suntar
ainaka ashamkar kurainak
jakaujai metek iyaantaru.



Tumawaru ai, nayaimpinmaya shuar
nuwa ainan chicharuk:
"Ashamrukairpa, wika
nekajai, atumka Jesús
numinam achinar
mantamnama nu
earme. Turasha
nuka juigka
atsawai, ni tima
nunisag

nantaki. Taatarum
ikusmauwa nu
iistarma.




Nu tusa tima nuwa ainasha ikusmau
ajakunka iis ikuinak ashamainayat shir
nakunkut aneasar, chichaman
Jesúsán unuinatairi ainan
ujakartasa tseketaik shimau.
Tumainan Jesús wantiintuk
amikma. Nuwa ainasha
Jesúsán jeantar nawenam



pagkuk ememataina.





Tumainakai Jesús maamu nantakin wainkaji tusar
tuinakaisha, nekaspapita ticharu asarmatai, Jesús ni
unuinatairi mesanam eketainan wantiintuk chicharuk:
“¿Urukakrumea wina waitkau aina ujatmainakaisha
nekaspapita turuttsurme?” tusa tinaiti.
Nuna tina inaiyak, nayaimpinam weak takunnaiti.
Tuma Apari pujamunam waka, Yuusa untsurini
ekeemsauwaiti.



Yuuska ashi shuar ainatin shir senchi
anenmau asa, wina uchir chikichkia nuna
nekaspapita tusa umiruka waittan
jukichartin arti, antsu pujut tuke
atinan jukitin arti, tusa nina
uchiri chikichkia nunaka
suramsauwaitji.



Romanmaya 3:23 Ashi nugkanmaya ainaka tunau ainawai,
tumau asar Yuus tsaaptinum puja nuigka
jeamainchau ainawai.

Romanmaya 6:23 Tunau takamua nuka Yuusjai tuke
tupantikartawai. Antsu ina apuri Cristo Jesús inii
mantamna asamtai, Yuus antrag surammauka pujut
nagkanchauwa nuwaiti.

Hebreonmaya 9:27 Ashi shuar ainatika chikichkia
jakartin ainaji. Tumawakrin Yuus ii takasmaun iis
turamtinaitji.

Efesonmaya 2:8,9 Yuusa uchiri nekaspapita tau
asaakrumin, nina wait anenkartutairin atumnaka
uwentikramrauwaitrume. Atum uwemrattsarum
takamainka pegke atsawai. Nunaka Yuus nigki enentaimas
turawaiti. Ii pegker takamunmagka uwemkacharu
asar, ika ememamain ainatsji.



Romanmaya 10:9,10 Tura Jesucriston maamuncha Yuus nekas inankinapita tu enentaimkumka, tura Jesúska wina apuruiti takumka uwemratnaitme.

Jesucristowapi nekas wina tunaaurun ashi tsagkurtur agkanmantikruawaita tu enentaimkumka, tura Jesucristowaiti nekas wina apurka takumka uwemratnaitme.

Juan 3:16,17 Yuuska ashi shuar ainatin shir senchi anenmau asa, wina uchir chikichkia nuna nekaspapita tusa umiruka waittan jukichartin arti, antsu pujut tuke atinan jukitin arti, tusa nina uchiri chikichkia nunaka suramsauwaitji. Yuuska shuar ainatin makuti tusagka ju nugkanmagka uchirinka akupturmakchauwaitji, antsu uwentikati tusa akupturmakuitji.



1 Juan 5:11-13 Yuus chichartamuk: Wii pujut nagkanchauwa nuna amastinaitjarme turamnaitji. Nu pujuta nunaka nina uchiriya nu sukartawai. Yuusa uchiriya nuna jukinka nu pujutcha arawai. Antsu Yuusa uchiriya nusha atsurmauka nu pujutcha atsurui. Atum Yuusa uchiriya nuke shir nekaspapita tusa enentaimtuinatirmin, pujut nagkanchauwa nu jukimusha nekaatarma tusan junaka aatjarme.



Mateo 26-28; Lucas 22-24; Juan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Huambisa Bible (hub) © 2010, Wycliffe Bible Translators,
Inc. All rights reserved.

<https://live.bible.is/bible/HUBWBT/MAT/1>

©2024 Bible for Children, Inc.

www.M1914.org

www.bibleforchildren.org

